

جريدة محاكم

سالى

نومرو	رمضان	سنه	تموز	سنه	صفحة
۱۶۰	۱۷	۱۲۹۹	۲۰	۱۲۹۸	۱۲۷۳

اشبهو غزته بهر هفته صالى كونلرى چيقار . سنه لى مجيدى اچمه التمش غرو شدر بهر نسخه سى التمش
پاره مجيدى به اوله رق هر يرد صاتي لور . درج اولنه جق اعلاناتك بهر سطرندن ايكي غروش النور .
سنه لى كنه مشرى اولق استيانلر عدليه نظارت جليله سى اوراق مدير لى كنه مراجعت ايتليدر

(توجيهات عدليه)

محكمة تميز جزا دائره سى رئيسى عطوقلو لى ب
افندى حضرتلر ينه رتبه بالا
ديتوقه سنجاغى بدايت محكمه سى مدعى عمومى
معاونلى كى كوملجنه محكمه ابتدائيه سى مدعى عمومى
معاونى سابق اغايوس افندى به
كوملجنه بدايت محكمه سى مدعى عمومى معاونلى كى
ديتوقه بدايت محكمه سى مدعى عمومى معاونى سابق
على افندى به توجيه يورلمشدر

(يوزالى طقوزنجى نومرولى جريده محاكمه مندرج)
(اعلامك بقيه سى)

محاكمه لرى لزومنى ازبار ايتمش وورثه كبير علىكساندر
ايله اورانيه خصوص مدعا حقنده پدرلى طرفندن
شمعى به دكين واقع اولان اجرا آتك جله سى كندورلنجه

مقبول اولديغى كى بعدما وقوعبوله جق محاكمات
ومدافعانى دخى قبول ايده جكلرينى سو يملر ينه متابل
مستأنف وكيلى آدميدى افندى اجازت لاحقه نك
وكالت سابقه حكمنى اكتساب ايتسى بيع وشرا كى
معاملاتده جارى اولوب بومقوله مواده شمولى اوله ميه .
جقنى درميان ايتمش وعند السؤال بو باده بشقه
افاده لرى اولديغى وكيلان مومى اليهما سو يملش
اولدقلىندن بوجهت حقنده كى محاكمه نك دخى ختام
بولديغى بعد التفهيم حاضر بولنان مدعى عمومى معاونى
درويش بكدن مطالعه سى صورلدقده مقتضاي حكم
قانونك اجراسى لزومنى سو يملدى ايجاب مصلحت
لدى التأمل ورثه مرقوموندىن وبركينا والى ايله
قسطنطينى صغير بولندقلىندن اصول محاكمه حقوقيه
قانون موقتك التمش بشنجى ماده سى موجبجه عند
المحاكمه مدعى عمومى نك حضورى مقتضى ايكن دائره
ابتدائيه نك اثنائى محاكمه ده مدعى عمومى بولندير مامسى
بولسز واصل محاكمه به مخالف اولديغندن اعلام

MILLI KOTUPLUĞU
ANKARA

مستأنف به حکمتك فسخيله محکمه جده اجرای محاکم لری لزومه و برمنوال مشروح ورثه کبار پدرلر نیک خصوص مدعاه عن الغیاب واقع اولان اجرا آتی بحیر اولدقلرینه و اجازت لاحقه وکالت سابقه حکمنده اولدیغی مقتضای احکام مجله دن ایدوکنه بناء مستأنف وکیلک بو باندی اعتراضک ردینه متفقاً ویریلان قرار تفهیم اولندقده مستأنف وکیلی آدمیدی افندی قرار واقعی قبول ایدمهیه - جکندن تبیر حتی باقی قلمق اوزره اساس مصلحتیه کریشلمسه اظهار موافقت ایش ایدوکندن طرفین حالت اولالرینه ارجاع قلنهرق صورت ادعایی مستأنف علیه وکیلی عوادیس افندیدن سؤال اولدیغی متعاقباً مستأنف وکیلی مدافعه سنی تحریراً بیان ایتک اوزره امر محاکمه نیک یوم آخره تعلیق طلب ایش و مستأنف علیه وکیلی دخی بوصورته اظهار موافقتله صورت ادعایی مین برقطعه لایحه تنظیم ایدرک بر صورتی مستأنف وکیلنه اعطا ایده جکنی و اولیابنده ویرجکی جواب اوزرینه محاکم لری نیک اجرا قلمق سونلش اولدقلرندن اجرای محاکم لری وقت آخره تعلیق قلمقشدی اخیراً تبلیغ اولنار احضار ورقه سی اوزرینه مستأنف علیه وکیلی قولیان عوادیس افندی محکمه یه کلمش ایدمهیه مستأنف وکیلی آدمیدی افندی تعیین اولنان یوم وساعته کله جکنی مین ورقه احضاریه زیرینه وضع امضا ایشیکن کلامش اولدیغندن و مدعی عمومی معاونی توفیق بک افندی حاضر اولدیغی حالده بر موجب ضبط سابق اساس ماده حقنده لایحه تنظیم بر صورتی مستأنف وکیلنه تبلیغ ایدوب ایتدیکی وکیل عمومی ایه عوادیس افندیدن سؤال اولندقده محکمه نیک قراری موجب تنظیم ایلدیکی لایحه نیک بر صورتی افندی عمومی ایه تبلیغ ایتدیکی بالیان بر نسخه سنی



ایدوب طلب واستدعا اولنان مقداردن زیادهیه حکم ایدلمسه مساع قانونی بولمدیغندن وکیل مسخرک یا لکر اساس ماده حقنده اولان اعتراضک ردیله اعلام ابتدائی حکمتک انجق مدعی عمومی بولنماسندن طولایی تعدیلاً تصدیقنه و یوزالی غروش اعلام و قرق غروش صورت و تبلیغ خرجلر نیک زرده مفرداتی مرقم مصارف محاکمه ایله معاً ایلروده حقسن چیقان طرفدن تحصیل قلمق اوزره مستأنف علیه دن انمسنه قابل اعتراض اولهرق فی ۶ جا سنه ۲۹۹ و فی ۱۳ مارت سنه ۲۹۸ تاریخنده غیاباً و متفقاً قرار ویریلرک تفهیم اولندی

- (فی ۲۱ رجب سنه ۹۹ و فی ۲۷ مایس سنه)
- (۹۸ تاریخيله محکمه استیناف حقوق قسیمندن)
- (ویریلان اعلامک صورتیدر)

یکی کویده مقیم مسکرات فابریقه جیسی دیمتری چوچو وکیلی علیکساندر آدمیدی افندی طرفندن فی ۹ کانون ثانی سنه ۹۷ تاریخنده محکمه استینافی نیک حقوق قسیمنه اعطا قلنان عرضحال و مربوط اعلام صورتی و لایحه اعتراضیه تدقیق و مطالعه اولندی عرضحالک مالی موکلی مرقوم ایله قریه مزبورده ساکن تجاردن کریاقو باقولی یینلرنده متحدت منازعه یه دائر بک اوغلی بدایت محکمه سی برنجی حقوق دائره سندن فی ۲۱ کانون اول سنه ۹۷ تاریخیه و بشیوز التمش اوج عددیله ویریلان اعلام حکمنه قانع اوله میه جغندن کیفیتک استینافاً تدقیق ورؤیتی مستدعیدر اعلام مذکورک خلاصه مفهومی دخی مرقوم دیمتری

چوچونک استیناف و تمیزه شامل اولق و منفرداً و مجتمعاً اجرای وکالته مأذون بولنق اوزره وکیل ایش اولدیغی نیقوله آدمیدی و علیکساندر افندیلر دن یا لکر محکمه یه کلمش اولان علیکساندر افندی مرقوم کیریا قوبا قولی کندوسنک طنش نام کسندهه الاجبی اولدیغی ادعا ایدرک موکلک یکی کویده اسکله باشنده سیدجی زقافنده کآن متصرف اولدیغی برنومرولی مشروبات فابریقه سیله دروننده بولنان آلات و ادواتی تحت حجره الدیرمش ایدمهیه موکلک معامله تجارتنک محل و مرکز کزی مذکور فابریقه اولدیغی جهتله بومثلو تجارته وضع اولنه جق جز معاملات محاکم حقوقیدنک وظیفه سی خارجنده بولنش و مذکور فابریقه بی موکلی برطاقم اوسته لر معرفتیه بش التي سنه مقدم بر تجر به یه مینی مرقوم طنشده دور ایش و مرقوم طنش دخی ایکی اوج آی قدر اداره ایتدکن صکره یه موکلی طرفندن استرداد اولنهرق کندوسی اداره ایتدکنه بولنش اولدیغندن وضع اولنان جزک فکنی ادعا و موجود اولان دور اوراقی و مذکور فابریقه نیک قپوسنده اولان لوحه ده دیمتری چوچو نامی محرر بولمسی مدعاسنه دلیل و برهان اولدیغی تذکار و مدعی علیه کریاقو باقولینک کذلت استیناف و تمیزه شامل اولق و منفرداً و مجتمعاً اجرای وکالته مأذون بولنق اوزره وکیللری بولنان یوردانای و مانولای افندیلر دخی موکلری مذکور میکندهه موجود اولان اشیا مرقوم طنشک اولدیغی تحقیق ایدرک تأمین مطاوب ایچون تحت حجره الدیردیغی و حتی جزک وضعی ائاده مرقوم طنشده مذکور فابریقه ده حاضر بولنهرق قطعا اعتراض ایتدیکی و اشیا مجبوزه کندوسنک مالی اولدیغنه دائر مدعی نیک تمسک اتخاذ ایلدیکی لوحه و دفتر ثبوت مدعایه کافی دلائل دن معذور اولدیغی درمیان



از استندما جز مذکورك دخي تصدیقنه قرار و برلش اولسی جهتلره اعلام مذکور حكمنك فسختی مستدعیدر

اولبابده مستأنف علیه کر یا قو طرفندن فی ۱ نیسان سنه ۹۸ تاریخده اعطا قلنان لایحه جوابده دخي اعلامات نظامیه مندرجاتك محق عد اولنه جعی مقتضای احكام قانونیه دن بولندیغی و بوقوله جز معاملاتك تصدیقی محاکم حقوقیهك وظیفه سی داخلنده ایدوکی و قرار مذکورك خوفندن صکره شخص آخره جریان ایدن محاکمه ده موضوع بحث و تدقیق اولان دعوانك جهت ورزکی دعوی واقعیه غیر مشابه اولغله اولبابده لاحق اولان حكمنك عدم مشابهتی دخي طبیعی ودلائل مسرودهك ثبوت مدعایه عدم کفایتی بدیهی بولندیغی و مرقوم دیمتری طرفندن وقوع اولان فك جز استدما سی اوزرینه کندی طرفندن دخي برقطعه تصدیق استدما سی اعطافلش و هر ایکی استدما برلشدر یله رك بوجه مشروح حکم ایدلش اولدیغی بیانیه اعتراضات مذکورتهك ردیله حکم مذکورك تصدیقی استدما قلمشدر

احضاراً مستأنف دیمتری چو چو طرفندن و کالترنك استیناف و تمیزه شمولى اعلام مذکورده مصرح اولان نیقوله آدمیلدی و علكساندر افندیلردن علكساندر افندی ايله مستأنف علیه کر یا قونك اولصورته و کیلی بولنان یوردانا کی افندی محکمه یه کلس و سؤال واقع اوزرینه مستأنف علیه و کیلی یوردانا کی افندیك استیناف استدما سی اسباب قانونیه بی جامع اولدیغی و کفالتنامه ده مصارف سفریهك تضمینی تصریح ایدلماش اولدیغی بیانیه واقع اولان اعتراضك عندالتدقیق بطلانی تین ایلکله رد اولندقدن و اوراق مزبوره مواجهه لرنده او قوندقدن صکره استجاب اولندقدن هر ایکی طرف و کیلری لایحه لری مندرجاتی

ایلدکن و عندالسؤال بوبابده آخر دلیلی اولیبوب ذکر اولنان دلائل ثبوت مدعایه کافی بولندیغی مدعی و کیلی ایراد ایتدکن صکره محاکمه لینگ ختاسی بیلدیر یله رك ایجابی مذاکره اولندقدن اساساً منقوله و غیر منقوله اشیا اوزرینه جز اجراسی محاکم حقوقیهك وظائفی داخلنده ایدوکندن اثبات مدعا ضمننده ابراز ایدیلان دفترایله مذکور میکدهك قیوسنه معلق اولدیغی حکایه قلنان لوحه ثبوت مدعایه کافی اوله مدیغی کی نظاماً مدعی مرقوم و کیلی جانبدن صورت آخره دخي دلیل ابراز اولنه مدیغنه مبنی مدعی طرفندن درمیان اولنان ادعا شایان التفات کور یله مدیکندن ردینه و عندالتدقیق جز واقعك مدت قانونیه سی طرفنده تصدیقی استدما قلندیغی اکلاشلد یغندن جز مذکورك دخي تصدیقنه قرار و برلدیکنی مین بولمشدر

مذکور لایحه اعتراضیهك مالی بو مثل و اموال تجاریه یه وضع اولنان سکوسترونك تصدیقی محاکم حقوقیهك وظیفه سی خارجنده بولمسی و بوبابده درجه اولی محکمه سنده درمیان اولنان اعتراضه احاله سمع اعتبار ایدلماش و افادات واقع سنك تمامیه درج ایدلماش اولسی و مع مافیله جزك تصدیقی ضمننده قرار مستأنف بهدن چند کون صکره جریان ایدن محاکمه ده سکوسترونك تصدیقی وظیفه سی خارجنده اولدیغی تحت قراره النمش و بوايسه متناقض و بر برینه مباین ایکی قرار و یرمك دیمك اولسی و اشیا محجوزیه تصرفی مثبت اولق اوزره ایراد ایدلیکی دلائل ثبوت مدعایه کفایتی بدیهی بولمسی و تخصیص دائرة مذکوریه و بریلان عرض حالده احوال مشروحه دن ناشی جز واقعك فکی استدما اولمش اولدیغندن دلائل مذکورتهك عدم کفایتی تقدیرنده یا لکر استدما ی واقعك رد ایدلسی مقتضی ایکن خارج

تکرار ايله مستأنف و کیلی علكساندر افندی لایحه اعتراضیه سنده محکمه مذکورده دن اعطا قلندیغی بیسان ایدلیکی فی ۱۳ شباط سنه ۹۷ تاریخ و بشیوز سکسان عدلی اعلامی ابراز و اعطافلش ولدی المطالعده جمله مفهومی مرقوم کر یا قونك مذکور میکده و مشتملاتی حقیقه ایقاع ایدلیکی جزك تصدیقی حقیقه و یرمش اولدیغی استدما اوزرینه مدیون طناس و متولی و اسیلای و رته سی مواجهه سننده اجرا قلنان محاکمه نتیجه سنده اساس منازعهك مواد تجاریه دن منبعت و اعلام تجارته مستند بولمشدن ناشی دعوی مبسوطهك محکمه تجارته عائد اولدیغی قرارینی مشتمل بولندیغی اکلاشلش ولدی السؤال هر ایکی طرف افادات سابقه لرینی تکرار و بشقیه دیه جکلری اولدیغی افاده و از بار النمش اولملریله محاکمه لینگ ختام بولدیغی افهام اولندی

ایجابی مذاکره اولندقدن مرقوم دیمتری چو چوونك نتیجه ادعای طناس نام کسنهك مالی اولدیغی بیانیه ککندوسنك مغازه و مشروباتی اوزرینه مرقوم کر یا قو باقولی طرفندن فضولی وضع اولنان جزك فسختی طلبدن عبارت بولمش و مندرجات اعلامه نظرأ جزك تصدیقی حقیقه داین طرفندن بر استدما دخي وقوع بو لماش اولدیغندن محکمه مذکوریه یا لکر مرقوم دیمترینگ استدما سنه کوره حکم ایتك لازم کور ایکن بلا استدما جزك تصدیقنه قرار و یرلمسی اصول محاکمهك اون بشنجی و ایکیوز سکساننجی و مجلهك بیک سکز یوز یکر می طقوزنجی ماده لرینه مغایر بولندیغی کی اشیا منقوله مذکورتهك واضع الیدی مرقوم دیمتری چو چو اولدیغی طرفینك تصادق و مذکور مغازهك اوزرنده بولنان لوحه ايله محقق و مجلهك بیک یدییوز الی درنجی ماده سننده احوال منقوله ده واضع الید ایچون یینه یه حاجت اولیبوب تصادق

طرفینك کافی ایدوکی مرقم بولندیغی حالده اشیا مجبورهك شخص ثالث مالی بولندیغی و وکاله و یا خود مواضعه دیمتری چو چوونك یدنده ایدوکنی مرقوم کر یا قویه اثبات ایتدیرلک حکم قانون ایجابندن ایکن واضع الیدی بولنان دیمتری چو چو یه اثبات ایدمه مدی دینلسی مخالف قانون بولندیغندن و سیما بوقوله اموال تجاریهك جز یه محکمه مذکورتهك صلاحیتی اوله میه جعی دخي یه محکمه مذکورده دن اخیراً و بریلان و خلاصه سی بالاده مسطور اولان فی ۱۳ شباط سنه ۹۷ تاریخلی اعلام معادندن مستبان اولمشدر ناشی مواد مذکوریه احکامنه مغایریتی جهتله اعلام مستأنف به حکمنك فسختیه جز واقعك دخي رفعی لزومنه و اعلام و صورت و تبلیغ خرچلری اولان یوز طقسان غروشك زیرده مفرداتی مرقم مصارف ساره ايله معامستأنف علیه عائد اولق اوزره مستأنف دیمتریند اخذینه فی ۱۰ نیسان سنه ۹۸ تاریخنده اکثریته قرار و یر یله رك و کیلان موی الیهمایه تفهیم قلندی

(فی ۱۱ ربیع الاخر سنه ۹۹ و فی ۱۷ شباط)
 (سنه ۹۷ تاریخیه محکمه استیناف تجارت)
 (قسمندن و بریلان اعلامك صورتیدر)

از میرده مقیم تجاردن معمار اوغلی یورغاسی ايله یلینده متحدث دعویله دائر از میر محکمه تجارتندن فی ۱۹ رمضان سنه ۹۵ و فی ۵ ایلول سنه ۹۴ تاریخیه و یر یلان اعلامك حکمی علیهنه اعتراضی حاوی یه از میرده ساکن مارقو اوغلی نیقولای طرفندن اعطا قلنان عرض حال دروننده بینه فابریقه سی موجود بولنان

بر باب صو دکرمانک مبلغ محکومه مقابل اقصار دعاوی مجلسنه ترهن ایدلدیکنی شامل تنظیم اولنان مصدق سند آیدین ولایت جلیله سنک فی ۲۸ صفر سنه ۹۶ و فی ۸ شباط سنه ۹۴ تاریخلی تحریراتیله بالورود فی ۴ ربیع الاول سنه ۹۶ تاریخنده مستأنف نیقولای طرفندن اوخانس موسدیجیان افندی و مستأنف علیه جانبندن موسو رات بور- فانطو بلو باسندات مصدقه وکاله کدرک اوراق لازمه مواجه لرنده قرائت اولندی

عرضحالده اعلام مذکورک حکمی قبول اولنه مد- یغندن کیفیتک استینافاً رؤیتی استعدا قلمشدر

اعلام مستأنف بهک مندرجاتی یورغا کینک استحصال ایدلیکی اعلام غیابی حکمنه معترض بولندیغنی جهتله محاکمه لرینک و جاهاً اجرایی نیقوله طرفندن استعدا

اولنسی اوزرینه طرفین کدرک جریان ایدن محاکمه- لرنده ینلرنده اولان معامله تجاریه محاسبه سنک مخبر لر معرفتیله رؤیتی ضمننده معترض طرفندن قاضی زاده ادهم افندی و معترض علیه جانبندن قسطاکی حاجی یورکی افندی و محکمه طرفندن دخی تجاردن رمضان افندی نصب و تعیین قلمقدنناشی مومی الیهیم طرفلرنندن ورود ایدن برقطه راپورطو لدی المطالعه یورکینک حساب جاریدن متبانی طلب وادعا ایتمکده اولدیغنی یتمش طقوزیک ایکوز قرق بش غروشه مدعی علیه نیقولایک بش درلو اعتراضی بیان ایدرک بونلردن برنجیسی پروتستو خرجیله سیغورطه حسابنی و ایکنجیسی مخدومی ملتیدینک حسابندن کندی اوزرینه کچمش اولان بیک سکرز یوز یتمش برغروشی قبول ایتیه جکی و اوچنجیسی مدعی معرفتیه صاتیلان پاموقلر اون ایکی بالیه و کورک بویادینک دخی اون ایکی

بالیه نقصان ایدوی و دردنجیسی ایکی قلمده المش اولدیغنی اون بشیک ایکوز التمش برغروش مدعینک پدری ایله آروجه اخذ و اعطاسی اولدیغندن مومی الیه بالیه بشقه جه حسابلنه جغنی و بشنجیسی قانض حسابنی قبول ایتدیکندن بردوزیه قانضک بوریلدیسی لازم کله جکی خصوصاتندن عبارت اولوب طرفینک افادات ردفاتر و مکاتب و اوراق ساثره سی تدقیق و مطالعه ایدلدکن صکره اولا مدعی به بورجی اولان اوچیوز عدد عثمانلی لیراسنی حاوی سندک وعده سی ختام بولدیغنی حالده مدعی علیه ایفا ایتدیکندن پروتستو اجراسنه مجبور اولمش و سیغورطه مالکک محافظه سی مقصدیه اتخاذا اولمش بر تدبیر بولمش اولدیغنه وثایاً بیک سکرز یوز یتمش برغروش مدعی علیهک امر به مخدومی ملتیدیه آپلمش اولان قره دیتو اوزرینه مدعی طرفندن ویرلدیکی مکتوب لر یله مثبت و لندیغنه و ثالثاً نقصان ایدوی ادعا قلنان تبجوق و بویانک اثباتی ایچون بقوله طرفندن برکونه اوراق ابراز اولنه میوب افاده محرره سنده قالدیغندن ادخال محاسبه اولنه مامسی امر طبعی ایدوکنه بناه اعتراضات مذکوره قبوله شایان کور یله میوب فقط دردنجی و بشنجی قلمرک محکمه نک رأینه حواله قلدیغنی محرر بولمغله معترضه بویاماده سی حکم لر حضورنده اثبات ایده مامش اولدیغندن انک دخی محکمه جه ایجابنه بافلسنی و بویابده تقدر بورجی چیقار ایسه وعده ویرلسنی افاده الملکله اقتضای لدی المذاکره طرفینک افاده واقعه لرینه کوره صورتی بالایه مخرج راپورطوده کوستریلان اون بشیک ایکوز التمش بش غروش مدعینک پدری انطونای به عاند اولدیغنی اکلشاش اولدیغندن انک ایچون دیلر ایسه مرقوم انطونا کیدن دعوی ایتسی و گذشته ماده سنه کلنجه مدعی مرقوم برنجی سنه تنظیم ایدلیکی

بلانجوسنه ایجاب ایدن گذشته یی ضم ایتمش اولدیغنی خالد مدعی علیه مارقوا و غلنک شمیدی به دکن سکوت ایتسیله بوندن طولانی تکرار گذشته نک گذشته سنک یوریلدیسی نظاماً جائز اوله میوب طو غریدن طو غری به گذشته یوریلدیسی لازم کله جکی وادعا اولنان اون بالیه بویاماده سی حکم لر طرفیندن فصل اولندیغنی جهتله انک ایچون محکمه جه برشی ذبیله میه جکی و مدعی علیه نیقوله نک بویابده طلب ایتدیکی وعده بچسته کلنجه مبلغ مدعا امور تجاریه دن متولد اولوب نظاماً وعده ویر یله میه جکی جهتله سالف الذکر راپورطوده کوستریلان ایکی جهتک محکمه جه ردیله قلمپیو اچقه قرق اوچبیک بشیوز اون اوچ غروشک اوزرینه تراکم ایدن التی بیک التیوز قرق ایکی غروش گذشته نک ضمیمه بالغ اولدیغنی الی بیک یوز اون بش غروشک نیقوله دن تحصیلنه منقفاً قرار ویرلدیکی متضمندر

مستأنفک لایحه سنده خصمی پروتستو و سیغورطه اچقه سی نامه کچر مش اولدیغنی در تیوز الی برغروشک اثباتنه مقتدر اولدیغنی حالده مبلغ مزبورک مع فائض مخبر لر طرفندن کندوسنه بورج قید ایدلسی جائز اوله- میه جغنی و بیک سکرز یوز غروش ایچون کندوسنک ملتیدادی به کفالتی اولدیغنی فرض اولنسه بیله اول امرده مومی الیهک مبلغ مزبورک ایفا سنه مقتدر اولدیغنی اثبات ایدلد کجه کندوسنه مراجعته خصمنک بروجهله حتی اولدیغنی و اون بالیه کورک بویاسنی نظامی دائره سنده اثبات وحین حاجتده بین تکایف ایده جکنی درجه اولاده بیان ایتمشیکن حواله سمع اعتبار ایدلمدیکی و فی ۱۱ تموز سنه ۹۴ تاریخه قدر ایجاب ایدن فائض مخبر لر طرفندن بالحساب ضم ایدلمشیکن درجه اولی محکمه سنجه فی ۶ حزران سنه ۹۳ تاریخندن گذشته یوریلدیسنه

عمل اولدیغنی واشو درت قلمک مع فائض بالغ اولدیغنی یکر می بیک التیوز اون بش غروش مبلغ محکوم بهدن لدی التزیل قصور یکر می طقوز بیک بشیوز قرق غروش دینی اولدیغنی اعتراف ایدر اولدیغنی و محاسبه واقعه نک اکثر یسنده کندوسی حقلی اولوب دعوا به سببیت ویرن خصمی بولمغله دعوی مصارف نک اکا تحصیل ایتضا ایده جکی و واقع اولان دینک تأدیسه سی ضمننده عقارندن بر مقدار بیک ترهینیه اوچ سنه وعده ویرلسنی درجه اولاده طلب ایدلیکی خالد دین مذکور امور تجاریدن تولد ایتدیکی بیانیه طلب واقعت رد ایدلسی مغایر حکم و قانون اولوب چونکه کندوسی برحقوق وقتدنبور ترک تجارتله املاکنک اداره سیله مشغول اولدیغنه و محاسبه مذکوره ایسه ترلال بیک محصولاتی بدلندن تولد ایتمش بر کیفیت ایدوکنه بناه امور تجاریدن معدود اوله میه جغنی و بویله فرض اولنسه بیله دینک تأدیسه سیچون طلب اولنان وعده سنک ویرلامسنه شایان قبول بر سبب کور یله میه جکی جهتله اعلام مذکورک فسخیله بروجه محرر معترف اولدیغنی یکر می طقوز بیک بو قدر غروشک تأدیسه سی ضمننده املاکندن بعضی سنک ترهینیه اوچ سنه وعده ویرلسنه و مصارف سفر به ضرر روز یانک دخی خصمنه تضمین ایتدیرلسنه حکم اولنسی محرر و مسطور در مستأنف علیه وکیلنک لایحه جوابیه سی اوچیوز لیرالق بونو بدلنک عدم تأدیسه سندن طولانی موکلی خصمی علیهنه پروتستو کشیده ایتدیکی کبی سیغورطه مصارف دخی خصمنه عاند بولندیغنی راپورطو و اعلامدن اکلشاشیله جغنه و خصمنک موکله خطاباً فی ۸ مارت سنه ۸۷۴ تاریخیه یازمش اولدیغنی مکتوبده مخدومی ملتیدادی به بیک سکرز یوز غروش برقره دیتو اچقلمغنی امر ایدرک بویاسه عادی کفالت قیلندن اولیوب خود بخود

بر تعهدن عبارت بولنسیله درجه اولی محکمه سنجه
اشبو قلم حقهده و یریلان قرار موافق حق و صواب
کورلدیکنه و اون بالیه بویادن طولایی خصمی اثبات
مدعا ایده مدیکی کبی یمین تکلیغنی ایسا ایدر میدانده
برورقه دخی بولنمدیغنه و گذشته ماده سنه کلنجه رأس
المال اولان قرق اوچبیک بوقدر غروش اوزرینه
بالحساب ایجاب ایدن گذشته ضم ایدلدیکنه و خصمی
هر نقدر دینی اقرار ایتش ایسه ده بدلنی تأدییه ایتد
یکندن قانوناً لازم کلان مصارفک خصمنه تحمیلی
طبیعی بولنمدیغنه و موکلنک الاجنی معاملات تجاریه دن
متولد اوله رق بومقوله بر دینک امهالی طرفین بیننده
برمقاوله عقیدینه متوقف اوله رق محکمه جه مدیونه
مهل و یرلمسی جائز اوله میه جغنه بناءً اعلام مذکور
موافق نظام ایدو کندن تصدیقنی حاو یدر

طرفینک اجرای محاکمه لرینه ابتدار اولنمش ایسه ده
اخشام تقرب ایتدیکندن وقت آخره تعلیق ایدلشیدی

بعده طرفین و کیلاری کله رنک مستأنفک لایحه سنده
وظیفه اعتراضی در میان ایدلش اولدیغندن محاکم
نظامیه نك تشکیلاتی قانون موقتک التمش بشنجی
ماده سی موجب بنجه اول امرده اورا نك محکمه استیناف
مدعی عمومیلکنه تبلیغی تذکر قلندی

مؤخرأ طرفین و کیلاری ایله محکمه استیناف مدعی
عمومیسسی اوخانس بک کله رنک مستأنف و کیلی موکلی
تجاردن اولیوب اقتصارده واقع چفتلکنده زراعت
ایله اشتغال ایدر و محصولیه کچنور طاقدن بولنمش
و مبلغ مدعا محصولات بدلندن تولد ایلش اولدیغندن
حقوق عادیه دن معدود اوله رق ایجاب ایدن محله
حواله سنی افاده و مستأنف علیه خصمی بوادعاسنی
درجه اولاده در میان ایتدیکنی و اساس دعوی حساب
چاریدن متولد اولدیغنی کبی محکمه مزبوریه اعطا

ایدیکی اعتراض علی الحکم عرضحالنده طرفین
میاننده اولان معامله تجاریه محاسبه سنک مخبرله
حواله سی طلب ایدلدیکی ومع هذا موکلنک صراف
اولسیله هر کسه اچه اقراض ایتکده اولدیغندن
معامله مذکور نك صرف تجارتیه عائد بولنمدیغنی بیان
ومدعی عمومی دخی وظیفه اعتراضی مستأنفک
شخصه عائد اولوب بوجهت درجه اولاده موضوع
بحث ایدلک لازم کلدیکی حالده سکوت ایدلدیکنی
و چفتیلرک و یردکاری سندادن متحدث دعاوینک
محاکم حقوقیه ده رؤیتی ایجاب ایدر سه ده مبلغ مزبورک
اساسی امور تجار تدن منبعت اولدیغنی و مستأنف
و کیلی وظیفه حقهده طرفینک هر درجه ده بولنان
(بقیه سی صکره)

اعلانات

وزرای عظامدن دولتو مصطفی پاشا حضرتلر نك
خدا و یردی اوغلی متوفی کرقور افندی ورئسته
دینی اولان مبالغه مقابل مرهون و محجوز اولوب
فروحتی محکمه دن مصدق صلح سندی احکامی جله سندن
بولنان از مید سنجاغنده واقع میرا خور مصطفی پاشا
چفتلکی دیمکله معروف چفتلک تار یخندن اون بش
کون صکره مزایده یه قونیه جفتدن اشتراسنه طالب
اولان و مذکور چفتلک تیمور باش حیوانات و اشبای
سأره سی حقهده معلومات المق استیان ذواتک
اسکدار بدایت محکمه سی اجرا دائره سنه مراجعت
ایلری اعلان اولنور

فی ۲۹ شعبان سنه ۹۹ و فی ۴ تموز سنه ۹۸